

Avrøysting

Innstillinga vart samrøystes vedteken.

Vedtak

1. Vestland fylkeskommune er positive til bygginga av Krossdalen transformatorstasjon og spenningsoppgradering av sambandet til Steinsland kraftverk og Nygard pumpekraftverk fordi dette betrar forsyningstryggleiken og kapasiteten i transmisjonsnettet.
2. Vestland fylkeskommune ber om at årstalet hogge inn i ein bergknaus på innsida av vegen då vegen var bygd i 1888, like ovanfor Eide blir vareteke for ettertida.
3. Det er viktig at massedeponi (D3) i konsesjonssøknaden tek omsyn til stien/friluftsområdet «Skogsti/ØvreHelland» og sørgjer for at ferdsel ikkje hindrast.
4. Arbeid i elva frå Almelistølen må gjerast på låg vassføring eller når elva er tørrlagd. Eventuelt anna arbeid i vassdrag må gjerast så skånsamt som mogleg for å unngå avrenning av fine massar som kan skade funksjonsområde for fisk og andre ferskvassorganisamar. Vidare er det viktig å sikre massedeponia slik at det ikkje vert avrenning til vassdrag.
5. Det bør etablerast tilknytningspunkt med effektutveksling til lokalt distribusjonsnett ved Krossdalen transformatorstasjon for å forbetra forsyningstryggleiken, leggje tilrette for ny næring og ny fornybar energiproduksjon.
6. Vestland fylkeskommune bed vidare Statnett vektleggja innspel frå vertskommunar og grunneigarar i saka